




15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45

古492.30
864.4

印-51~10




吉
430
8546.2




金石文

全



金石文鈔序

金樓子載碑英一百二十卷乃金石文
字之祖書今不傳歐陽脩集古錄趙
明誠金石錄最為著錄家推重然
僅具其事而不載其文洪适隸釋都
穆金薤琳瑯原文備載可謂詳明
矣顧洪書因考隸而作都書必以
河南偃師為河浦退師任城亢父



為俟成文父有識者談之蓋世所重于
金石文字者非獨以其有益于小學也
史家記載所未及詳或其沿傳聞之
誤者博學之士每取資于金石以為考
正雖不必其果當然其當者往往有之故
余嘗謂金石文字足以備讀史者之
採擇此其功較專論小學者為更大也
涇縣趙子琴士性情溫厚學問淹通

秋闈九十二試皆黜于有司生平無他
嗜茲讀古奇書遺文軼事且與史
傳相發明者無不取為辨證而皆
有以折其衷金石文字搜討尤力也
刊金石文鈔八卷介吳生文炳字亨示
余考其意殆不僅以重夫書體文義
者夫以千載以下之人論千載以上之事
亟載籍奚以傳信而沿訛踵謬之既

金石錄卷之五
久又不敢無所憑據逞胸臆以直斷其
是非則取諸當時聞見之所詳惟
金石徵實為可信焉今就趙君所志
有裨于史傳者已多志乘所未逮由
是推之天下之大山川之阻深其沈湮而
剝蝕者可勝道哉趙子自謂此書沿倣
都穆其審核實在穆上陶宗儀古
刻叢鈔差近然陶書尚不免簡陋

也夫一善不遺掌故畢在此史家職事
而金石文之所以足重也吾于趙君有厚
望焉


皇清嘉慶七年歲次壬戌仲春月翰林
院侍讀

寶錄館史官預修 宮史柏山法式善撰



序

光緒丙戌九月予呂試士至潮州大埔令趙君
宇文謁予舟次出其從曾祖琴士先生金石
文鈔呂贈且乞為序宇文侯鶴舟大令之子
大令宰安陽予適典丙子科河南鄉試逢東
道此數相見今忽已十年矣是書則大令
所重刊者也既獲睹鄉先生遺著又感念昔
盜戡緣逮兩在共何敢呂不文辭乃糾筆而



言曰夫金石者經與史之旁支也自秦篆奪
籀古文寔微猶存吉金賴以訂墜又漢後史
書疏舛其人事之年月裏許里違三證諸麗牲之
石與史傳互有短長儒者擇稽古今左右采
獲必有資於是故金石之學為自來通儒碩
士之所重

國朝為是學者眾矣最錄之富莫如青浦王
侍郎金石萃編之作顧王書成於耄歲多出諸

門生故吏之手違失且不免先生此書則窮羅
攷辨一己身所見聞為準且以諸生久困場
屋力不能使他人視非惟是深者益好更
數十寒暑以迄於成其用力之勤要非淺學
浮慕之所敢及精誠所結天地亦不能消之
是君王書雖盛行而先生是編幾閱兵燹猶
得重梓以行世則冥漠中或有主之者在
也古者羣黎百姓歆頌其長官之功德於是

乎有金石之事字文學優而才長承其家
之治譜呂試于一邑吏樂政民給足君高升
極鼎足必有如頌景完之詞者則今日索
序趙氏金石之書他日又自成為趙氏之金
石矣字又其有意於此乎是為序錢唐
汪鳴鑿撰

金石文鈔八卷先從叔琴士公著古墨齋十
五種之一也刻於嘉慶朝詳公自敘當時悉
依金石墨本過錄無點畫謬缺至為精審先
著各書板片度置家祠咸豐間兵燹未靖板
率燬不復存書升適分巡汝南時南北隔絕力
求各書網羅散失率不可得為發浩歎悉
按匱笥僅存此種自公是書告成之歲迄今不
過五六年證以見存金石打本又多殘泐甚賴

是編得見遺文此書所闕詎淺鮮哉謹率兒
子集成細心校讐將以重墨諸板冀存先著之
一儻後來南中稍請舉所得遺書次第刊
行書升之志也咸豐庚申年九月重九日從姪
書升謹記



金石文鈔者趙琴士先生所著琴士先生
者鶴肩大令之從祖也鶴肩大令之子字
文為蔭典試第百所得士一日持大令書
屬蔭為之序曰金石之堅不如楮墨出之
金石有時而泐而楮墨存焉若洪文惠隸
釋中所錄今存者有幾反藉隸釋以傳則
金石之錄可謂已乎夫金石有裨於經石有
裨於史固實學也所自賞鑒家出乃同於
酷瓶畫匣之野自玩物喪志之言出乃益

屏棄之以便其空腹高心欺世盜名之舉
而文其空疏不學出陋甚矣晚近尚欺心
之學也今琴士此書於陶宗儀古刻叢鈔
為近是書遭兵燹板已不存大令先人蓮
爰觀察欲刻未果今大令克承先志舉而
刻之不亦賢哉光緒二年丙子四月中旬
吳縣潘祖蔭叙

自敘


史有略而獨詳史有關而可補史有記載失實
而可參考以傳信者莫金石若矣顧獨惜其散
逸于山巔水涯荒村邃谷破冢頽垣之下而莫
可收拾即幸而樹之學宮藏之梵宇嵌之官廳
可以搨而得者而學士多喜為詞章之學朝夕
伊唔握三寸管作制藝八韻詩方揣摩不暇又
孰肯審視其文于風霜剝蝕之餘而探索之書
史中哉余弱冠即喜集金石文思欲倣都元敬


金薤琳琅勒成一書而十餘年間所輯不及百種又多殘闕不可錄迨乙巳丙午二歲遊寓于白門潤州廣陵之間始多得古碑刻于故家之所棄而儲藏好事之流亦徃徃出舊榻相示故余得以考訂而手輯之自是以後遇西賈市肆有一二種爲篋笥所無者即多方買之雖典衣質錢所不顧由此歲有所增蓋又遲之十餘年之久至于今

皇上御極之元年丙辰九月始開雕焉非獨詳慎也始余亦稍涉詞章留心科舉雖致力于此而未嘗不用功于彼自甲午入場屋而丁酉而已亥而庚子而癸卯而丙午而戊申而已酉而壬子而甲寅而乙卯科凡十一無役不從而不得一當乃翻然改圖屏去一切專力此書夫好古成癖世雖希有其人而自都氏著錄以來二百餘年豈無思繼事者彼皆奔走于名利之場或竭蹶以求通或馳驚而不已以爲將有待也乃白駒過隙轉瞬而老髦及之雖欲從事而已

無及矣翠墨盈箱縹緗插架徒以供蟲蝕鼠嚙
之糧易餅換餉之費甚可惜也昔洪鄱陽集漢
隸二百餘通以成隸釋又取碑圖及後得者作
者十不二三然則洪氏之有功于漢刻豈淺鮮
哉余既欲及年力之尚可爲而爲之而又私冀
千百年之後碑或不存而余書巋然尚存則後
之視今亦如今之視昔夫是以孜孜焉而不能
自已也嘉慶元年九月重陽後一日棊士趙紹

祖書於新築之古墨齋





金石文鈔

凡例

一古今著錄家或專刻已跋或泛列碑目記年月詳書撰姓名而已惟洪氏隸釋都氏金薤琳琅全刻碑文法最爲善但洪氏專主於隸又不及晉以下都氏所刻雖少而自周秦以至於唐兼收並採茲書特倣其例

一金薤琳琅所刻六十三碑茲書繼之故凡都氏所已刻者不復贅

一碑如名人所撰刊入本集者

如伯喈郭有道昌黎送李愿歸

金石錄卷之九
盤谷名聲顯赫衆所共知者如蘭亭聖法帖所

刻翻摹不一者如鍾繇賀捷義之類釋典道藏各

有板本者如心經黃鑿佛造像語言部俚者如

魏龍門唐岱殘闕太多不復可讀者如漢高唐

岳觀之類諸如淨業法師

昭陵陪葬僧道墓碣無闕義要者如張尊師之類

顯然偽造以欺後世者如李靖上西岳書不皆

不刻

一千祿字書九經字樣等皆有益於小學因近

世維揚馬氏曰璐已有專刻茲不復贅

一金薤琳琅所刻漢碑其殘闕者皆取隸釋足
之茲書亦倣其例

一碑多古字別體茲書悉仍其舊雖極之義理
荒謬不敢輕改欲以傳信且廣異聞若小小筆

畫差易亦隨手鈔錄未嘗瑣瑣也
一碑中闕字雖灼然可知不敢輕補

一碑經剪裁裝裱不無參差遺失茲書必以副
本互校但以地居山僻其無從借碑者雖詳審

再三終不敢自信所幸同志君子正其訛謬

一自隋以前古碑甚少有則登之更不差別其所棄者造像諸記及斷爛不成文者而已唐後則或以人或以事或以文或以書四者無取悉從屏落
一另有金石目錄一書將續刻以質同志
嘉慶元年九月十一日琴士趙紹祖書於新築之古墨齋

金石文鈔總目

江南涇縣趙紹祖琴士手輯

卷一

夏岫嶠碑 篆書

殷比干墓字 篆書

周鼎銘 篆書

周吳季子墓字 篆書

漢仙人唐公房碑 無年月八分書

漢裴岑祠記 永和二年八月八分書

漢季度石闕銘 無年月八分書

漢武氏石闕銘 建和元年三月八分書

漢司隸校尉楊君石門頌 建和二年十一月八分書

漢武都太守李君西狹頌 建寧四年六月八分書

漢李君析里橋郇閣頌 建寧五年八分書

漢司隸校尉楊君碑 熹平二年二月八分書

漢豫州從事尹君碑 熹平六年四月八分書

漢白石神君碑 光和六年八分書

漢郟陽令曹君碑并陰 中平二年十月八分書

漢蕩陰令張君碑陰 中平三年二月八分書

魏公卿將軍上尊號奏 無年月八分書

魏受禪表 黃初元年十月八分書

魏修孔子廟封孔羨宗聖侯碑 黃初元年八月八分書

鳳圖石

麟圖石

田學文彝 篆書

卷二

吳禪國山碑 天璽元年篆書

吳天發神識文 天璽元年七月篆書

晉孝侯周府君碑 太興二年正月正書

苻秦脩鄧艾祠記 建元三年六月八分書

梁侍中吳平忠侯蕭公神道 無年月正書

梁瘞鶴銘 天監十三年正書

魏孝文弔比干文 太和十八年十一月正書

魏穆亮造像記 太和十九年十一月正書

魏臨青男崔公墓誌銘 熙平二年十一月正書

魏魯郡太守張猛龍碑 正光三年正月正書

魏敬顯儁脩禪靜寺碑 興和二年正書

魏李仲琰脩孔子廟碑 興和三年十二月正書

魏立太公呂望碑 武定八年四月正書

北齊高陽王碑 乾明元年四月八分書

北齊隴東王感孝頌 武平元年正月八分書

周華嶽頌 天和二年十月正書

隋王府君夫人張氏墓誌銘 開皇四年十月正書

隋晉陽造像頌 開皇四年十月正書

隋陳明府脩孔子廟碑 大業七年十月八分書

卷三

唐宗聖觀記 武德九年二月八分書

唐等慈寺碑 貞觀三年正書

唐九成宮醴泉銘 貞觀六年四月正書

唐南安懿公碑 貞觀十三年二月正書

唐龍門山三龕記 貞觀十五年正書

唐晉祠銘 貞觀二十一年七月行書

唐萬年宮銘并碑陰 永徽三年五月行書
碑陰正書

唐王居士博塔銘 顯慶三年十月正書

唐紀功頌 顯慶四年八月行書

唐比邱尼法願墓誌銘 龍朔三年十月正書

唐大德道因法師碑文 龍朔三年十月正書

唐騎都尉李君墓誌銘 麟德元年二月正書

唐敬善寺石像銘 無年月正書

唐碧落碑 咸亨元年篆書

卷四

唐立明徵君碑 上元三年四月正書

唐修孔子廟詔表祭文碑 儀鳳二年七月八分書

唐王徵君臨終口授銘 垂拱二年四月正書

唐澤王府主簿梁府君并夫人唐氏墓誌

銘 垂拱四年十一月正書

唐榮德縣丞梁君墓誌銘 萬歲通天二年三月正書

唐昇仙太子碑文 聖歷二年六月行草書

唐夏日遊石淙詩并序 久視元年五月正書

唐修紀公墓碑 長安二年七月八分書

唐比丘尼法琬碑 景龍三年五月正書

唐長安縣丞蕭府君墓誌銘 景雲二年二月正書

唐景龍觀鐘銘 景雲二年九月正書

唐立周公祠碑 開元二年十二月正書

唐大德法藏禪師塔銘 開元四年五月正書

唐宗聖觀主尹尊師碑 開元五年八分書

唐華岳精享昭應之碑 開元八年八分書

唐朝散大夫京苑摠監茹府君墓誌 開元十一年八月正書

年八月正書

卷五

唐御史臺精舍碑并陰 開元十一年八分書碑陰正書

唐娑羅樹碑 開元十一年十月行書

唐內侍渤海高府君墓誌銘 開元十二年正月行書

唐右武衛將軍乙速孤府君碑銘 開元二十三年二月八分書

唐紀太山銘 開元十四年九月八分書

唐陳憲墓誌銘 開元十四年十一月八分書

唐思恒律師誌文 開元十四年十二月正書

唐大智禪師碑銘 開元廿四年九月八分書

唐景賢大師身塔石記 開元廿五年八月行書

唐橋亭記 開元廿六年閏八月八分書

唐注道德經勅 開元廿六年十月正書

唐易州鐵像碑頌 開元廿七年五月正書

唐正議大夫易州刺史兼高陽軍使田公德政碑 開元廿八年十月正書

唐夢真容碑 開元廿九年六月正書

唐充公頌 天寶元年四月正書

卷六

唐元元靈應頌 天寶元年七月八分書

唐嵩陽觀聖德感應頌

天寶三載二月八分書

唐永泰寺碑

天寶十一載閏三月行書

唐雲麾將軍劉公墓誌銘

天寶十二載十月行書

唐書東方朔畫像贊碑陰

天寶十三載十月正書

唐游擊將軍張府君墓誌銘

天寶十五載四月行書

唐憫忠寺寶塔頌

至德二載十一月行書

唐顏魯公祭姪文

乾元元年九月行書

唐金天王廟祈雨記

乾元二年二月八分書

唐通微道訣碑

乾元二年六月行書

唐縉雲縣城隍廟記

乾元二年八月篆書

唐贈太保郭公廟碑并陰

廣德二年十一月正書

唐贈太子賓客白公神道碑

永泰元年三月行書

唐怡亭銘

永泰元年五月前篆書後八分書

唐中興頌

大歷六年六月正書

唐容州都督元君表墓碑

大歷七年正月正書

唐宋州官吏八關齋會報德記

大歷七年正月正書

唐清源公王府君神道碑

大歷十年四月正書

卷七

唐脩吳季子廟碑 大歷十四年八月正書

唐顏魯公送劉太冲敘 無年月行書

唐顏魯公劉中使帖 無年月行書

唐顏魯公奉使書 無年月行書

唐景教流行中國碑頌 建中二年正月正書

唐廣智三藏和尚碑 建中二年十一月正書

唐吳嶽祠堂記 興元元年十月行書

唐景昭法師碑 貞元三年正月正書

唐鎮國軍隴右節度使武康郡王李公綝

功昭德頌 貞元五年十月八分書

唐嵩高戒壇記 貞元十一年七月八分書

唐楚金禪師碑 貞元二十一年七月正書

唐立諸葛丞相祠堂碑 元和四年二月正書

唐內侍省內侍左武衛大將軍李公墓誌

銘 元和十年四月正書

唐忠武軍監軍使贈雲麾將軍左監門衛

將軍朱公神道碑 長慶元年二月正書

唐義陽郡王贈越州都督刑部尚書苻公

神道碑 無年月正書

唐阿育王寺常住田碑 大和七年十二月行書

卷八

唐梓州刺史長樂縣開國公贈吏部尚書

馮公神道碑 無年月正書

唐潤州大泉寺新三門記 開成三年十一月行書

唐基公塔銘 開成四年五月行書

唐三藏大遍覺法師塔銘 開成四年五月行書

唐寂照和上碑銘 無年月正書

唐圭峯禪師傳法碑 大中九年十月正書

唐韓昶自為墓誌銘 大中九年十二月正書

唐劉氏太原縣君霍夫人墓誌 大和十年正月正書

唐內莊宅使行內侍省內侍贈左監門衛

將軍劉公墓誌銘 咸通九年十一月正書

唐修文宣王廟記 咸通十一年三月正書

唐李克用比嶽廟題名 中和五年二月正書

唐內樞密使吳公墓誌 乾寧二年十一月正書

右共八卷凡刻金石一百三十二種 附金

金薤琳琅原刻碑目於卷八後俾覽者一目了然

咸豐庚申從姪書升率子集成重校字

附刻金薤琳琅原碑目

周壇山石刻 穆王

周石鼓文 宣王

秦嶧山刻石 始皇廿六年

秦泰山刻石 無年月

秦會稽刻石 始皇卅七年

秦之罘刻石 無年月

秦琅邪臺刻石 始皇廿八年

秦詛楚文 無年月

金薤琳琅原刻碑目

漢魯相置孔子廟卒史碑 永興元年六月

漢魯相晨孔子廟碑 建寧元年四月

漢魯相晨孔廟後碑 建寧三年三月

漢魯相造孔廟禮器碑并碑陰 永壽三年九月

漢泰山都尉孔宙碑并碑陰 延熹七年二月

漢博陵太守孔雋碑并碑陰 建寧四年六月

漢司隸校尉魯峻碑并碑陰 熹平二年四月

漢北海相景君碑并碑陰 漢安二年八月

漢敦煌長史武斑碑 建和元年二月

漢執金吾丞武榮碑 無年月

漢荊州刺史度尚碑 永康元年

漢桂陽太守周府君碑并碑陰 熹平三年

漢衛尉衡方碑 建寧三年二月

漢酸棗令劉熊碑 無年月

漢淳于長夏承碑 建寧三年六月

漢西嶽華山廟碑 延熹四年七月

漢元儒先生婁壽碑 熹平三年正月

漢蕩陰令張君碑 中平三年二月

漢堂邑令費鳳碑 熹平六年

漢堂邑令費鳳別碑

漢溧陽長潘乾校官碑 光和四年十月

漢郎中鄭固碑 延熹元年四月

漢廬江太守范式碑 青龍三年

隋皇甫府君碑 仁壽四年貞觀初立

隋龍藏寺碑 開皇六年十二月

隋姚恭公墓誌銘 大業七年十月

隋緣果道場博塔記 大業九年

唐洛陽令鄭府君碑 久視元年六月

唐杳冥君銘 神功元年

唐郎官石記序 開元十六年七月

唐臧尚書碑 廣德元年十月

唐元靖李先生碑 大歷十二年五月

唐千福寺多寶佛塔碑 天寶十一載四月

唐顏魯公與郭僕射書 無年月

唐嵩岳少林寺碑 開元十六年七月

唐少林寺靈運禪師碑 天寶九載四月

唐少林寺戒壇銘 開元三年正月

幽州昭仁寺碑 貞觀四年十一月

唐西平郡王李公碑 太和三年四月

唐大達法師元祕碑 會昌元年十二月

唐柳公權小字清淨經 無年月

唐天台山桐柏觀頌 天寶元載三月

唐唐興寺碑 開元六年九月

唐實際寺隆闡大法師碑 天寶二載十二月

唐故太尉文貞宋公碑 大歷七年九月

唐故太尉文貞宋公碑側記 大歷十三年三月

唐達奚珣遊濟瀆記 無年月

唐濟瀆廟北海壇器物銘 貞元十三年

唐姜嫄公劉廟碑 貞元九年四月

唐伯夷叔齊二公碑 開元十三年


孔子廟堂碑 貞觀四年

破邪論序 無年月

唐邠國公功德銘 長慶二年十二月

唐顏魯公小字麻姑壇記 大歷三年

唐顏少保碑 建中元年七月



金石文鈔

卷一 目錄

江南涇縣趙紹祖琴士手輯

夏响樓碑

篆書

殷比干墓字

篆書

周鼎銘

篆書

周吳季子墓字

篆書

漢仙人唐公房碑

無年月八分書

漢裴岑祠記

永和二年八月八分書

漢季度石闕銘

無年月八分書

漢武氏石闕銘 建和元年三月八分書

漢司隸校尉楊君石門頌 建和二年十一月八分書

漢武都太守李君西狹頌 建寧四年六月八分書

漢李君析里橋郟閣頌 建寧五年八分書

漢司隸校尉楊君碑 熹平二年二月八分書

漢豫州從事尹君碑 熹平六年四月八分書

漢白石神君碑 光和六年八分書

漢郃陽令曹君碑并陰 中平二年十月八分書

漢蕩陰令張君碑陰 中平三年二月八分書

魏公卿將軍上尊號奏 無年月八分書

魏受禪表 黃初元年十月八分書


魏修孔子廟封孔羨宗聖侯碑 黃初元年八分書

鳳圖石

麟圖石

田學文彝 篆書

右卷一 凡廿二種 弟繩祖繼之校字



金石文鈔 卷一

江南涇縣趙紹祖琴士手



夏岫嘯碑

承帝曰咨翼輔佐卿洲渚與登烏獸之門參身
洪流而明發爾興久旅忘家宿嶽麓庭智營形
折心罔弗辰往求平定華嶽泰衡宗疏事哀勞
餘伸禋鬱塞昏徙南瀆衍享衣制食備萬國其
莫窳舞蒸奔

昌黎詩曰千搜萬索何所有是公本未之

見也宋嘉定中何子一始得之而刻之於
嶽麓書院明楊用修刻之滇中楊時喬刻
之棲霞山天開崑張應吉刻之湯陰縣又
歸德府及汲縣西安府大別山皆有刻其
人其時未之詳也乾隆丙午正月余自江
寧至鎮江道經棲霞薄暮登山得見時喬
所刻石而未暇搨後市得一紙乃用修釋
者其書之真偽與釋文是非不必辨但以
其古物爲可以存因取而錄之卷首云爾

嘉慶元年六月一日趙紹祖識

天開崑觀响嶮碑


附

薄暮凌山頂神碑倚石巔龍蛇蕩心目風
雨護雕鏤功冠三王首書居百代先韓公
作歌後好事喜摹傳

殷比干墓字

殷比干墓

水經注云朝歌縣牧野比干冢前有石銘
題隸云殷大夫比干之墓至洪鄱陽成隸
續時有此四字較水經闕其三今去鄱陽
又數百年而墓石尚存雖小有殘闕可確
然斷其爲古物無疑豈非忠義之氣貫于
金石有鬼神呵護之以至今哉碑字古勁
在篆隸之間或謂爲孔子書或疑爲東都



威靈時所書要之物以人重則無論其為
 殷為周為漢而天珍重留之不使沒于風
 霜兵燹之餘人當什襲寶之不宜夷于象
 犀金玉之玩也余友江寧汪醒弁有此四
 字出以示余因識之乾隆丙午六月趙紹
 祖書於秦淮客舍

醒弁名炳文是年秋與其弟恩同領鄉薦

此干墓字

周鼎銘

佳古維

九月既望甲戌王各

古格

于周廟

一作丙子

二字烝于圖室司徒南中

古仲

右世惠

一作無專

內門

立古位中廷王呼史端册令

古命

世惠曰宣治

佐王頗側弗作錫女元衣束帶戈珣戟縞鞞彤

矢鏐勒鑿旂世惠敢對揚天子不古不顯敬休

用作尊鼎用享于朕一作我列考用周筮壽萬年


子孫永寶用

丙午之春余留焦山數日時寺僧住持練

江知客巨超並好客能詩相與往還因得
觀所謂周鼎而索其拓本數紙以遺同好
蓋寺中別刻一石以應求者其真本不易
得故也銘自程穆倩作釋後頗多踵事互
有同異余不能識古文因叅驗諸家取其
理之近是者錄之其無傷義理者兩存之
丙午三月趙紹祖書於焦山僧舍
焦山僧贈鼎銘拓本賦此爲謝附
老僧袖中一卷雲流出袖口片片輕墨花

璀璨光燭庭知是焦山周鼎銘籀文竒古
繼倉頡十有八九爲象形右佑有別豈可
混立位異讀皆足徵無專世惠空聚訟此
亦何必煩紛爭內門二字得真據翁公潭溪
神識吾所膺甲戌丙子但紀日其年不紀
難爲憑南仲出車著詩什要是宣王當中
興後生末學敢自詡寶秘但欲逾縑繒勢
看飛揚起旌旆氣鼓精銳走雷霆宣和博
古失記載岐陽石鼓均愛憎才薄奚堪賦

爾鼎強把散卓書溪藤歌成北風吹雨雪
長江三月積素凝



周吳季子墓字

嗚呼有吳延陵君

一作季子之墓

夫子篆季子之墓凡十字歷代綿遠其文殘
缺人勞應命其石湮埋在昔開元中元宗大
聖皇帝勅殷仲容模榻其本尚可傳之
者暨大歷十四年己未歲潤州刺史蘭陵蕭
定重刊于石憲章遺範以永將來前試大理
司直吳郡張從申書

建中元年八月十二日朝請郎守令盧國遷

樹并建堂文林郎守丞皇甫汝文林郎尉程
準將仕郎守尉王仲鱗將仕郎守尉楊憑

公制禮作樂聲名雅量皆編諸史册載在碑

頌欲爲具紀恐近繁文清風凜然萬古不朽

播作尉斯邑因謁靈宇式鐫數字聊以紀年

時大唐貞元三年歲次丁卯五月廿八日榮

陽鄭播字伯豐記此記殊不似季子廟中語
姑留之以存疑


此以大聖之筆誌賢人之墓當時或景仰


而求書或心契而題寄擴而大之著之於

石且屢經翻榻不無小異固不必以古法

帖字形大小之不倫及夫子未嘗至吳而

疑之也癸丑六月三日琴士識





此字大小不一，不倫於夫子家書，至吳而
可且異，豈隋跡不無小異，固不必以古封

漢仙人唐公房碑記

君字公房，成固人。蓋帝堯之闕十之故，能舉家

闕五去上陟皇，耀統御陰陽，騰清躡浮，命壽無

疆。雖王公之尊，四海之富，曾闕五毛天地之性

斯。其至貴者也。耆老相傳，以為王美居攝二季

君為郡吏，闕四土域啖瓜，旁有真人左右，莫察

而君獨進美瓜，又從而敬禮之。真人者，遂與闕一

字期，聳谷口山上，乃與君神藥，曰服藥以後當

移意萬里，却鳥獸言語。是時府在西成，去家七

金石錄 卷一
百餘里休謁往徠轉景即至闔郡驚焉白之府君徙爲御史昇齧輒車被具君乃畫地爲獄召昇誅之視其腹中果有被具府君闕一賓燕欲從學道公旆頃無所進府君怒勅尉部吏收公旆妻子公旆乃先歸於谷口呼其師告以尼急其師與之歸以藥飲公旆妻子曰可去矣妻子孿家不忍去又曰豈欲得家俱去乎妻子曰固所願也於是乃以藥塗屋柱飲牛馬六畜湏臾有大風元雲來迎公旆妻子屋宅六畜儵然與

之俱去昔喬松崔白皆一身得道而公旆舉家俱濟盛矣傳曰賢者所存澤流百世故使聾鄉春夏毋蚊螬秋冬鮮繁霜癘蠱不遐去其螟蚘百穀收入天下莫斯德祐之效也道牟羣仙德盛故鄉却德者鮮歷世莫紀漢中太守南陽郭君諱芝字公載脩北辰之政馳周邵之風歆樂唐君神靈之美以爲道重者名邵德厚者廟尊乃發嘉教躬損奉錢倡率羣義繕廣斯廟闕一字和祈福存之地民刻石昭音揚君靈譽其辭曰

金石錄
卷一
以下
皆闕

水經注曰智水川有唐公房祠公房升仙之日壻知行未還約以此川爲居言無繁霜蛟虎之患因號壻鄉故水亦名焉今按壻碑云真人者與期壻谷口山上壻即壻字則是此地本名壻非因其壻居之而得名也故碑後稱壻鄉之異亦祇曰澤流百世德盛故鄉而不序壻事水經之言非矣夫世之所以稱神仙者以其能絕去七情超

然物表而無流俗之所戀也使學仙者果能捐妻子絕嗜欲泊然無與以仰希解脫變形之事雖其事不成其言不效而其勇往精進之意即吾儒且畏之矣今一切不必而但乞靈于藥曰其師能以藥仙公房又能以藥仙其妻子而又能以藥仙其妻子之所戀屋柱牛馬六畜于是天下之便莫便於此而天下之樂真莫樂於此矣噫亦可笑矣乾隆丙午五月琴士趙紹祖書

于秦淮客舍

隸釋載碑云百穀收入天下莫知斯德祐之效也今按碑無知字蓋以天下莫斯斷句因正之又隸釋其辭曰後尚有九字及碑陰余本悉闕故不錄紹祖又識

漢裴岑祠記

惟漢永和二年八月敦煌太守雲中裴岑將郡兵三千人誅呼衍王等斬馘部衆克敵全師除西域之灰蠲四郡之害邊竟艾安振威到此立德祠以表萬世

裴岑事不見西域傳按永建元年班勇合兵擊西域呼衍王亡走得單于從兄斬之史美其功今岑誅呼衍王以振國威殆有過者而史云陽嘉以後朝威稍損何也范

史自言撰建武後事之異於前史者爲西
域傳皆班勇所紀裴岑事在勇後故不得
繫於篇末而姑以意言之如此然則史之
所闕者正多也嘉慶元年九月初五日趙
琴士識於幕山僧舍

漢季度石闕銘

典大君諱

闕一字

字季度

闕二字

郡主簿作

闕一字

銘

文後舉孝廉西鄂長早終叙曰於惟我君明允
廣淵學兼游夏德配闕一字文歿而不朽實有立
言其言惟下闕

後漢書延薦傳注引先賢行狀云堂谿典
字季度爲西鄂長其字與官皆與銘同則
此似爲典銘然竊考之傳記証以銘辭而
知此不得爲堂谿典銘也何也趙明誠金

石錄載堂谿典嵩高山石闕銘云中郎將
堂谿典伯并則典自字伯并不爲季度世
人容有二字然伯仲叔季乃人之行既爲
伯必不得爲季一也東觀記熹平五年使
中郎將堂谿典祈雨嵩高與明誠所載銘
辭官同事同惟銘作四年爲小異蔡邕傳
亦云與五官中郎將堂谿典等奏求正定
六經則典曾官中郎將不得獨云西鄂長
二也延薦傳少從堂谿典受左氏傳後從

馬融受業計典能教授年當及壯而馬融
之死在延熹九年其年黨事起薦坐禁錮
自是又二十年爲光和六年而石經告成
典得列名其後典於是時雖最少當已六
十餘矣不得如此銘所云之早終三也今
按此銘首云典大君而諱字下闕則此人
自姓典亡其名而字季度非堂谿典明矣
然則堂谿典既字伯并而先賢行狀何以
云典字季度爲西鄂長也竊疑著先賢行

狀者亦知典有石闕在嵩高而此銘適出其地又首有典字遂不之察而誤以爲典銘因取之以著書章懷不知又引以注史訛以傳訛謬乃甚爾非得此銘與趙氏之所載又何以辨其疑惑哉嘉慶元年七月一日趙紹祖識於幕山僧舍

漢武氏石闕銘

建和元年太歲在丁亥三月庚戌朔四日癸丑孝子武始公弟綏宗景興開明使石工孟季季弟卯造此闕直錢十五萬孫宗作師子直四萬開明子宣張仕濟陰年二十五曹府君察舉孝廉除敦煌長史被病歿苗秀不遂嗚呼哀哉士女痛傷


此武氏石闕銘也銘文曾載趙明誠金石錄而綴數語於後云武氏有數墓在任城

開明者仕為吳郡丞綏宗名梁仕為郡從事宣張名班皆有碑洪景伯隸釋隸續自數碑外又有武梁祠堂畫像今皆不可得見矣惟畫像近有翻摹與此本紙墨一色意此銘亦同時之所摹也銘云孝子武始公弟綏宗景興開明使石工造此闕當是始公兄弟為父作闕然但附開明之子宣張於銘後而不叙及其父何耶余意此銘之前或別有文字而趙氏洪氏集錄之時

已亡之矣嘉慶二年除夕前一日吳子柳門寄以見示因書其後而歸之琴士趙紹祖識

柳門名文炳邑諸生

銘云孝子武始公重冢嫡也下云弟綏宗景興開明蒙始公而言也詳玩語意當是為父作闕而隸釋武班碑跋云開明為其兄立闕者恐因弟字而誤也琴士又識



漢司隸校尉楊君石門頌

惟以靈定位川澤股躬澤有所注川有所通余
谷之川其澤南隆八方所達益域爲充高祖受
命興於漢中道山子丰出散入秦建定帝位叭
漢詆爲後以子丰莖路並難更隨圍谷復通堂
堯凡此四道垓南无艱至於永平其有四年詔
書開余鑿通石門中遭元二西夷震殘槁梁斷
絕子丰復脩上則縣峻屈曲深顛下則入冥廡
寫輪淵平阿涼泥常蔭鮮晏木石相距利磨礪

膳臨危槍礪履尾心寒空輿輕騎遭尋弗前憲
 虫齧狩虵蛭毒螫未秋截霜稼苗反殘終年不
 登匱餒之患卑者楚憲尊者弗安愁苦之難焉
 可具言於是明知故司隸校尉櫬為武陽楊君
 厥字孟文深執忠伉數上奏請有司議駁君遂
 執爭百遠咸從帝用是聽廢子由斯得其度經
 功飭爾要做而晏平清涼調和烝烝艾寧至建
 和二年仲冬上旬漢中太守櫬為武陽王升字
 稚紀涉歷山道推序本原嘉君明知美其仁賢

勒石頌德以明厥勲其辭曰

君德明二 炳煥彌光刺過拾遺厲清八荒奉魁
 承杓綏億衙彊春宣聖日秋貶若霜無偏蕩二
 真雅以方寧靜烝庶政與乾通輔主匡君脩禮
 有常咸曉地理知世紀綱言必忠義匪石厥章
 厥宏大節謹而益明揆往卓今謀合朝情醜艱
 即安有勲有業禹鑿龍門君其繼縱上順升極
 下答以皇自南自北四海攸通君子安樂庶士
 悅雁商人咸憶農夫永同春秋記異今而紀功

垂涿億載世二嘆誦

序曰明哉仁知豫識難易原度天道安危所歸
勤二竭誠榮名休麗

五官掾南鄭趙邵字季南屬哀中毘漢彊字
產伯書佐西成王弼字文寶主

王府君閔谷道厄難分置六部道橋特遣行丞
事西成韓服字顯公都督掾南鄭魏整字伯玉
後遣趙誦字公梁案察中曹卓行造作石積萬
世之基或解高格下就平易行者欣然爲


伯玉即日徙署行丞事守安陽長


鄧騭傳時遭元二之災賢注以爲重文即
元元也而趙氏引此碑以疑之謂讀作元
元則不成文理是矣然洪景伯據論衡元
二之間嘉德布流以爲元年二年殆亦非
也論衡之文下接三年則所謂元二者自
指元年二年偶同此二字耳若此碑所云
永平四年詔書開余鑿通石門下即接云
中遭元二西夷虐殘既不稱何帝之世又

不舉建元之名使以爲元年二年當是何王之元年二年也景伯又謂此碑所云即鄧騭出師時則自永平以至永初中更三帝五建元矣屬文之體不應如是按陳忠傳亦云自帝即位頻遭元二之厄元二兩字不見他書而此書兩見皆指安帝又並稱爲災厄則其來必有所自而非泛然之文特古書簡略不得而詳考耳竊疑此碑中遭元二即鄧陳傳中所云元二當是安

帝即位時之一實事故不嫌如此用之也
壬子七月二十六日琴士識

隸釋王府君閔谷道下缺一字今按碑是厄字行丞事西成韓服隸釋作輔服今亦據碑正之琴士又識





漢李翁西狹頌

漢武都太守漢陽阿陽李君諱翁字伯都天姿
明敏敦詩悅禮膺祿美厚繼世郎吏幼而宿衛
弱冠典城有阿鄭之化是日三苛苻守致黃龍
嘉禾木連甘露之瑞動順經古先之旨博愛陳
之旨德義示之以好惡不肅而成不嚴而治朝
中惟靜威儀抑抑督郵部臧不出府門政約令
行強不暴寡知不詐愚屬縣趨教無對會之事
傲外來庭面縛二千餘人年穀屢登倉庾惟億

金石錄卷一 頌一
百姓有蓄粟麥五錢郡西狹中道危難阻峻緣
崖俾閣兩山壁立隆崇造雲下有不測之巖阨
芒促迫賅容車騎進不能濟息不得駐數有顛
覆實隧之害過者創楚惴惴其慄君踐其險若
涉淵水嘆曰詩所謂如集于木如臨于谷斯其
殆哉困其事則爲設備今不圖之爲患無已勅
衡官有秩李瑾掾仇審回常繇道徒饌燒破析
刻白礮嵬滅高就埤平夷正曲桺致土石堅固
廣大可以夜涉四方无雍行人懽懽民歌德惠

穆如清風乃刊斯石曰

赫赫明后柔嘉惟則克長克君牧守三國三國
清平詠歌懿德瑞降豐稔民曰貨殖威恩並隆
遠人賓服鑿山浚瀆路曰安直繼禹之迹亦世

賴福

建寧四年六月十三日壬寅造時府

下疑有闕

此碑所謂朝中惟靜即尹宙碑立朝正色
之朝皆指郡朝而言也李翕爲武都太守
治西狹鄙閣天井三地之險以通行旅可

謂有惠政於民矣余按後漢書皇甫規傳
有屬國都尉李翕多殺降羌爲規所奏而
免以時攷之疑是一人困於心衡於慮而
後作徵於色發於聲而後喻則李翕之前
人忍而後惠未始非皇甫威明之所激而成
人也嘉慶元年九月初一日趙紹祖記

漢李翕析里橋郿閣頌

惟斯析里覈漢之右谿源漂疾橫柱于道涉秋

霖漉益溢

闕一字

漏濤波滂沛激揚絕道漢水逆

讓稽滯商旅路當二州經用衿沮沮縣士民或
給州府休謁往還恒失日晷行理咨嗟郡縣所
苦斯谿既然郿閣尤甚緣崖鑿石覈隱定柱臨
深長淵三百餘丈接木相連號爲萬柱過者慄
慄載乘爲下常車迎布歲數千兩遭遇隕納人
物俱陷沈沒洪淵酷烈爲禍自古迄今莫不創

楚於是

太守漢陽阿陽李君諱翕字伯都以建寧三年

二月辛巳到官思惟惠利有以綏濟聞此為難

其日久矣嘉念高帝之開石門元功不朽乃俾

衡官椽下辨仇審改解危殆即便求隱析里大

橋於今乃造按致攻堅闕二工巧雖昔魯班亦

莫儼象又醜散開之漸潔徙朝陽之平燧滅西

經記厥績艾康萬里臣闕三勒石示後乃作頌

高閣就安寧之石道禹導江河以靖四海

曰

闕四降茲惠君克明俊德允武允文躬儉尚約

化流若神蔽岷如闕三平均精通皓穹三納苻

銀所歷垂勲香風有隣仍致瑞應豐稔闕五樂

行人夷欣慕君靡已乃詠新詩

闕四子川允之間高山崔隗子水流蕩蕩地既

培塿子與寇為隣闕六以析分或失緒業子至

于困貧危危累卵子聖朝閱憐毳艾窵闕一子

秀闕五救傾子全育闕一遺劬勞日稷子惟惠

勤劬黃邵朱龔子蓋

字闕四

充羸子百姓歡欣

僉曰太平子文翁復存

建寧五

字闕二

月十八日癸

闕下

時衡官

字闕三

仇審字孔信

從史位

字闕四

漢德為此頌

故吏下

字闕三

子長書此頌

時石隄南

字闕四

威明

隸釋載此碑後別有數行記年月及書撰人姓名而余所得本無有今依隸釋錄之

漢碑載書撰人者絕少此其僅見者也而

隸釋之本又並闕其名而但存其字余按

歐陽棐集古錄日記此碑云右不載撰人

名氏漢仇紉隸書則書此頌者當是仇紉

字子長也第不知漢德為此頌一行而叔

弼何以不見豈歐本偶以剪裁失之故竟

以為不載撰人名氏而遂逸其名與噫亦

不幸矣乾隆乙卯十一月十一日琴士趙

紹祖記

後按隸續李翁天井碑題名有從史位下
 辨仇靖字漢德書文始知漢德名靖丙辰
 八月廿九日夜中檢得之喜而不寐詰朝
 書之碑後槩士又識


漢司隸校尉楊淮碑


故司隸校尉楊君厥諱淮字伯邳舉孝廉尚書
 侍郎上蔡雒陽令將軍長史仕城金城河東山
 陽太守御史中丞三為尚書尚書令司隸校尉
 將作大匠河南尹伯邳從弟諱彌字穎伯舉孝
 廉西鄂長伯母憂去官復舉孝廉尚書侍郎遷
 注丞冀州刺史大醫令下邳相元弟功德卒盛
 當究三事不幸早殞國喪名臣州里失覆二君
 清頌約身自守俱大司隸孟文之元孫也

黃門同郡卞玉字子珪以熹平二年二月廿二日謁歸過此追述勒銘故昧表記

碑稱彌以伯母憂去官漢世遵孝文之令鮮循三年之喪此陳忠苟爽之所以力爭而賢人君子矯時嫉俗至于著功之親與所舉之吏往往爲行服去官如傅燮陳仲弓之徒類多過厚之行其載于碑者則曹全以同產弟憂去彌以伯母憂去是也然此亦可以見漢世法網之疏故士大夫得

以自行其志如此隸釋中丞下闕一字今按碑是三字州里失覆失字誤作去字今亦按碑正之乾隆壬子七月二十七日趙琴士識於秦淮客舍





漢豫州從事尹宙碑

君諱宙字周南其先出自有殷迺迄于周世作
 師尹赫赫之盛因以為氏吉甫相周宣勛功有
 章文則作頌武襄獫狁二子著詩列于風雅及
 其元孫言多世事景王載在史典秦兼天下侵
 暴大族支判流徙或居三川或徙趙地漢興以
 三川為穎川分趙地為鉅鹿故子心騰於楊縣
 致位執金吾子孫以銀艾相繼在穎川者家于
 儁陵克績祖業牧守相亞君東平相之元會稽

太守之魯富波侯相之孫守長社令之元子也
君體溫良恭儉之德薦親於九族恂恂于鄉黨
交朋會友貞賢是與治公羊春秋經傳通書傳
仕郡歷主簿督郵五官掾功曹守昆陽令州辟
從事立朝正色進思盡忠舉衡以處事清身以
厲時高位不以爲榮卑官不以爲耻含純履軌
秉心惟常京夏歸德宰司嘉焉季六十有二遭
離寢疾熹平六年四月己卯卒於是論功敘實
宜勒金石迺作銘曰

於鑠明德于我尹君龜銀之冑奕世載勛綱紀
本朝優劣殊分守攝百里遺愛在民佐翼牧伯
諸夏肅震當漸鴻羽爲漢輔臣位不福德壽不
隨仁景命不永早即幽昏名光來世萬祀不泯
碑爲歐趙所未錄而無一字殘闕真可異
也顧亭林曰豫字磨滅以其潁川人而言
本州知其爲豫州也今按碑完好並無豫
字亦未嘗有本州字金石文字記魯全錄
此文何其言夢夢若是第宙歷仕未嘗出

郡而碑云州辟從事不言他州則爲豫州
無疑耳漢世時猶近古雖州郡官舍或謂
之朝循吏傳劉寵爲會稽太守徵爲將作
大匠山陰有五六老叟人齎百錢送寵寵
勞之對曰山谷鄙生未嘗識郡朝今宙爲
州從事而云立朝正色又曰綱紀本朝其
語亦猶此也嘉慶元年七夕趙紹祖記

漢白石神君碑

蓋聞經國序民莫急於禮禮有五經莫重於祭
祭有二義或祈或歆歆以章德祈以弭害古先
哲王類帝禋宗望于山川徧于羣神建立地域
脩設壇屏所以昭孝息民輯寧上下也白石神
君居九山之數叅三條之壹兼將軍之號秉斧
鉞之威體連封龍氣通北嶽幽讚天地長育萬
物觸石而出膚寸而合不終朝日而澍雨沾洽
前後國縣屢有祈請指日刻期應時有驗猶自

抱損不求禮秩縣界有六名山三公封龍靈山
先得法食去光和四年三公守民蓋高等始爲
無極山詣太常求法食相縣以白石神君道德
灼然乃具載本末上尚書求依無極爲比即見
聽許於是遂開拓舊地改立殿堂營宇既定禮
秩有常縣出經用脩其犧牲奉其珪璧絜其粢
盛旨酒欣欣燔炙芬芬敬恭明祀降福孔殷故
天無伏陰地無蠶陽水無沉氣火無災燿時無
逆數物無害生用能光遠宣朗顯融昭明年穀

歲熟百姓豐盈粟升五錢國界安寧尔乃陟景
山登崢嶸采元石勒功名其辭曰

巖巖白石峻極大清皓皓素質因體爲名惟山
降神髡士挺生濟濟俊乂朝野充盈灾害不起
五穀熟成乃依無極聖朝見聽遂興靈宮于山
之陽營宇之制是度是量卜云其吉終然允臧
匪奢匪儉率由舊章華殿清閑肅雍顯相元圖
靈像穆穆皇皇四時禋祀不愆不忘擇其令辰
進其馨香犧牲玉帛黍稷稻粮神降嘉祉萬壽

無疆子子孫孫永永蕃昌

光和六年常山相南陽馮巡字季祖元氏令京

地新豐王翊字元輔長史潁川申屠熊闕三丞

河南李郃左尉上郡白土樊瑋祠祀掾吳宜史

解微石師王明

碑後燕元璽三年題名一行漫漶不可辨

按碑縣界有六名山三公封龍靈山無極

白石皆得法食其一不知何名又不知後

亦得法食否山固有幸不幸哉琴士識

漢曹全碑

君諱全字景完敦煌效穀人也其先蓋周之曹

武王秉乾之機翦伐殷商既定爾勲福祿攸同

封弟叔振鐸于曹國因氏焉秦漢之際曹叅夾

輔王室世宗廟土庠竟子孫遷于雍州之郊分

止右扶風或在安定或處武都或居隴西或家

敦煌枝分葉布所在為雄君高祖父敏舉孝廉

武威長史巴郡胸忍令張掖居延都尉曾祖父

述孝廉謁者金城長史夏陽令蜀郡西部都尉

金石錄 卷一
祖父鳳孝廉張掖屬國都尉丞右扶風隃麋侯相金城西部都尉北地太守父琫少貫名州郡不牽早世是以位不副德君童齠好學甄極志緯無文不綜賢孝之性根生於心收養季祖母供事繼母先意承志存亡之敬禮無遺闕是以鄉人爲之諺曰重親致歡曹景完易世載德不隕其名及其從政清擬夷齊直慕史魚歷郡右職上計掾史仍辟涼州常爲治中別駕紀綱萬里朱紫不謬出典諸郡彈枉糾邪貪暴洗心同

僚服德遠近憚威建寧二年舉孝廉除郎中拜西域戊部司馬時疏勒國王和德弑父篡位不供職貢君興師征討有充牣之仁分醪之惠攻城墜戰謀若涌泉威牟諸賁和德面縛歸死還師振旅諸國禮遺且二百萬悉以薄官遷右扶風槐里令遭同產弟憂棄官續遇禁罔潛隱家巷七年光和六年復舉孝廉七年三月除郎中拜酒泉祿福長詆賊張角起兵幽冀兖豫荆揚同時並動而縣民郭家等復造逆亂燔燒城寺

金石錄 卷一
萬民騷擾人裹不安三郡告急羽檄仍至于時
聖主諮諏羣僚咸曰君哉轉拜郃陽令收合餘
燼芟夷殘逆絕其本根遴訪故老商量儁艾王
敞王畢等恤民之要存慰高年撫育鰥寡以家
錢糴米粟賜瘠盲大女桃斐等合七首藥神明
膏親至離亭部吏王宰程橫等賦與有疾者咸
衆瘳悞惠政之流甚於置郵百姓緜負反者如
雲戢治廡屋市肆列陳風雨時節歲獲豐年農
夫織婦百工戴恩縣前以河平元年遭白茅谷

水灾害退於戊亥之間興造城郭是後舊姓及
循身之士官位不登君乃閔縉紳之徒不濟開
南寺門承望華嶽鄉明而治庶使學者李儒樂
規程寅等各獲人爵之報廓廣聽事官舍廷曹
廊閣升降揖讓朝覲之階費不出民役不干時
門下掾王敞錄事掾王畢主簿王歷戶曹掾秦
尚功曹史王顓等嘉慕奚斯考甫之美乃共刊
石紀功其辭曰

懿明后德義章貢王庭征鬼方威布烈安殊荒

還師旅臨槐里感孔懷赴喪紀嗟逆賊燔城市
特受命理殘圯芟不臣寧黔首繕官寺開南門
闕嵯峨望華山卿明治惠沾渥吏樂政民給足
君高升極鼎足

中平二年十月丙辰造

碑陰

處士河東皮氏岐茂孝才二百

此最上一層

縣三老商量伯祺五百
鄉三老司馬集仲裳
五百
徵博士李儒文優五百
故門下祭酒

姚之辛鄉五百
故門下掾王敞元方千
故門下議掾王畢世異千
故督郵李誣伯嗣五百
故督郵楊動子豪千
故將軍董溥建禮三百
故郡曹史守丞馬訪子謀
故郡曹史守丞楊榮長孳
故鄉嗇夫尋駿安雲
故功曹任午子流
故功曹曹七定吉
故功曹王河孔達
故功曹王吉子僑
故功曹王時孔良五百
故功曹王獻子上
故功曹秦尚孔都二闕
疑
故功曹王衡道興
故功曹楊休當

女五百 故功曹王衍文珪 故功曹秦杼漢

都千 璉一行 故功曹王詡子宏 故功曹

杜安元進此二層 元一行 宏宣兩字一行 萌仲

謀三字一行 故郵書掾姚閔升臺 故市掾王尊

文憲 故市掾杜靖彥淵 故主簿鄧化孔彥

故門下賊曹王翊長河此三層 故市掾王闕

字建和 故市掾成播尋舉 故市掾楊則孔

則 故市掾程璜孔休 故市掾扈安子安千

故市掾高貞顯和千 故市掾王瓊季晦

故門下史秦並靜先 起一行 故賊曹史王

授文博 故隼曹史精暘文亮 故集曹史柯

相文舉千 故賊曹史趙福文祉 故法曹史

王敢文國 故塞曹史杜苗幼史 故塞曹史

吳產孔才五百闕二 部掾趙炅文高闕二

曹史高廉闕一 吉千此四層

義士河東安邑劉政元方千 義士侯袞文憲

五百 義士潁川臧就元就五百 義士安平


祁博季長二百此五層

後漢書西域傳建寧元年疏勒王與漢大
都護於獵中爲其季父和得所射殺和得
自立爲王三年涼州刺史孟佗遣從事任
涉將敦煌兵五百人與戊己司馬曹寬西
域長史張晏將焉耆龜茲車師前後部合
三萬餘人討疏勒攻楨中城四十餘日引
去按元帝始置戊己二校尉後屢罷屢復
范史傳論所謂設戊己之官分任其事者
是也此謂戊己司馬曹寬一人不能兼二

職其非是明矣碑稱全爲戊部司馬定不
誣則戊司馬者曹全也已司馬者曹寬也
范史於戊字下遺失司馬曹全四字耳若
必欲組合全寬爲一人則鑿矣其餘碑史
多不同並詳顧寧人朱竹垞諸跋茲不復
贅乙巳十二月二十三日琴士趙紹祖識
於秦淮客舍

碑有云君閔縉紳之徒不濟開南寺門承
望華岳鄉明而治庶使學者李儒彙規程

寅等各獲人爵之報據此則漢世形法家
已自負其術如此琴士又識



漢蕩陰令張遷碑陰

故安國長韋叔玲錢五百故吏韋公連錢七百

故吏韋孟光錢五百故從事韋

闕二字

錢五百故

吏韋排山錢四百故吏韋孟平錢三百故從事

韋元雅錢五百故吏范巨錢四百故守令韋元

考錢五百故從事韋元景錢五百故吏韋義才

錢四百故從事韋世節錢五百故吏韋輔節錢

四百故守令韋叔遠錢五百故吏韋元緒錢四

百故守令范伯

闕一字

故吏韋容人錢四百故吏

韋金石錢二百故從事原宣德錢三百故督郵
范齊公錢五百故吏韋公明錢三百故吏范文
宗錢千故吏范成錢三百故吏范世節錢八百
故吏韋輔世錢三百故吏韋府卿錢七百故吏
范國方錢三百故吏范季考錢七百故吏韋伯
善錢三百故吏韋伯臺錢八百故吏汜奉祖錢
三百故吏范德寶錢八百故吏韋德榮故吏韋
公儁錢五百故吏范利德錢三百故利汜定國
錢七百故吏韋武章故吏韋閏德錢五百故吏

騶叔義故吏孫升高錢五百故吏韋宣錢三百
張遷碑已載於金
薤琳瑯故不復錄

右蕩陰令張君碑陰列名者四十一人內
不率錢者四人而自范巨范成韋宣之外
其三十八人皆二名昔歐陽永叔跋楊震
碑陰以爲後漢見於史傳者未嘗有名兩
字者也疑其所書皆是字爾今按此碑所
書亦當爲字第不知范巨范成韋宣又何
以書名也以余攷之范史二名者甚多顧

或者又謂蔚宗好錯舉名字然其中有明
白而無疑者如鄭康成之孫名之曰小同
而蘇不韋字公先成翊世字季明謝夷吾
字堯卿馬日磾字翁叔是也然則謂史傳
無二名者亦非也壬子九月二十日趙琴
士識

魏公卿將軍上尊號奏

相國安樂鄉侯臣歆大尉都亭侯臣詡御史大

夫安陵亭侯臣朗使持節行都督督軍車騎將

軍闕二臣仁輔國將軍清苑鄉侯臣若虎牙將

軍南昌亭侯臣輔輕車將軍都亭侯臣忠冠軍

將軍好畤鄉侯臣秋渡遼將軍都亭侯臣柔衛

將軍國明亭侯臣洪使持節行都督督軍鎮西

將軍東鄉侯臣真使持節行都督督軍領揚州

刺史征東將軍安陽鄉侯臣休使持節行都督

督軍征南將軍平陵亭侯臣尚使持節行都督
督軍徐州刺史鎮東將軍武安鄉侯臣霸使持
節左將軍中鄉侯臣邵使持節右將軍建鄉侯
臣晃使持節前將軍都鄉侯臣遼使持節後將
軍華鄉侯臣靈匈奴南單于臣京奉常臣貞郎
中令臣洽衛尉安國亭侯臣昱大僕臣夔大理
東武亭侯臣繇大農臣霸少府臣林督軍御史
將作大匠千秋亭侯臣照中領軍中陽鄉侯臣
懋中護軍臣陟七騎校尉都亭侯臣祖長水校

尉關內侯臣凌步兵校尉關內侯臣福射聲校
尉關內侯臣質振威將軍涅鄉亭侯臣題征虜
將軍都亭侯臣觸振武將軍尉猛亭侯臣當忠
義將軍樂鄉亭侯臣生建節將軍平樂亭侯臣
圃安衆將軍元就亭侯臣神翼衛將軍都亭侯
臣衢討夷將軍成遷亭侯臣慎懷遠將軍關內
侯臣巽綏邊將軍常樂亭侯臣俊安夷將軍高
梁亭侯臣曷奮武將軍長安亭侯臣豐武衛將
軍安昌亭侯臣楮等稽首言臣等前上言漢帝

奉天命以固禪羣臣因天命以固請而陛下違
 天命以固辭臣等頑愚猶知其不可况神祇之
 心乎宜蒙納許以福海內欣戴之望而丁卯制
 書詔臣等曰闕五字魏志云足以時則虜未滅
 若以羣賢之靈得保首領終君魏國於孤足矣
 若孤者胡足以辱四海至乎天瑞人事皆先王
 聖德遺慶孤何有焉是以未敢聞命臣等伏讀
 詔書於邑益甚臣等聞易稱聖人奉天時而論
 曰君子畏天命闕五字魏志云然後帝者有禪
天命有去就

代是以唐之禪虞命以在爾虞之順唐謂之受
 終堯知天命去已故不得不禪舜知歷數在躬
 故不闕五字魏志云不禪奉天時也不敢不受
 畏天命也漢朝雖承季末陵遲之餘猶務奉天
 命以則堯道是以顛禪帝位而歸二女陛下正
 於大魏受命之初抑虞夏之達節尚延陵之讓
 體所枉者大所直者小所詳者輕所畧者重中
 人凡士闕二字魏志云猶為陛下陋之歿者有靈則重華
 必忿憤於倉梧之神墓大禹必鬱悒於會稽之

山陰武王必不悅於高陵之元宮矣是以臣等

敢以死請且漢政在奄宦祿去帝室七世矣遂

集六石於其宮殿而二京為之企虛闕七字魏志云當是

之時四覆天下分崩武王親衣甲而冠胄沐雨

而櫛風為民請命則活萬國為世撥亂則致升

平鳩民而立長築宮而置吏元闕四字魏志云元無過罔於

闕五字魏志云造於華裔陛下即位光昭文德

以翊武功勩恤民隱視之如傷懼者寧之勞者

休之寒者以煖飢者以充遠人以德服魏志作恩後

寇敵以闕三字魏志云恩降邁恩種德光被四表稽古篤

睦茂于放勳罔漏吞舟裕于周文是以布政未

莽人神並和皇天則降甘露而臻四靈闕三字魏志云

后土挺芝闕二字魏志云草而吐醴泉虎豹鹿菟咸素其

色雉鳩燕爵亦白其羽連理之木同心之瓜五

采之魚珠祥瑞物雜還於其間者無不畢備闕一

字魏志人有言微闕一字魏志云禹吾其魚乎微大魏

則臣等之白骨既交橫于曠野矣伏省羣臣內
外章奏所以陳叙陛下之苻命者莫不條河洛

之圖書授天地之瑞應因漢朝之款誠宣萬方

之景附可謂信矣著矣闕一字矣裕矣高矣邵矣

闕二字魏志云三王無以及五帝無以加民命之懸於魏

邦民心之繫於魏政世有餘年矣闕一字魏志云此乃

千世時至之會萬載壹遇之秋達節廣闕三字魏志云

度宜於闕三字魏志云斯際拘學狹闕一字魏志此一不

施於此時久稽天命罪在臣等輒榮壇場具禮

儀擇吉闕一字魏志云日昭告昊天上帝秩羣神之禮

須禋祭畢闕三字魏志云會羣寮于朝闕一字魏志云堂議季號

正朔服色當所以施行臣謹拜表朝堂臣歆臣

詡臣朗臣仁臣若臣輔臣忠臣秋臣栗臣洪臣

真臣休臣尚臣霸臣邵臣晃臣遼臣靈臣泉臣

貞臣洽臣昱臣憂臣繇臣霸臣林臣照臣楙臣

陟臣祖臣凌臣福臣質臣題臣觸臣當臣生臣

圃臣神臣衢臣慎臣巽臣俊臣曷臣豐臣楮誠


惶誠懼頓首頓首死罪死罪

相國臣歆者華歆也太尉臣詡者賈詡也

御史大夫臣朗者王朗也大理臣繇者鍾

繇也其所書官皆漢官也其所稱臣臣於
 魏也其他武夫謀臣夏侯曹氏之族不必
 論也余碑有闕取隸釋足之也隸釋亦有
 闕取魏志足之也碑文與魏志尚多小不
 同而皆不復論者仍隸釋之舊也碑鍾繇
 書或謂梁鵠書亦不可知也嘉慶元年九
 月初三日趙紹祖識
 書魏勸進碑後附
 代漢者誰有當塗手盜神器負以趨老奸

巨猾不敢取使爾小醜蒙名乎堯禪舜子
 舜禪禹亦有謙讓非獨孤鷹耶犬耶無耻
 徒歆詡朗若輔梁繇頓首頓首陳瑞符拜
 獻欲比臯益謨天命有在弗久須大書深
 刻臨通衢下誣千載上唐虞書生論事非
 論書拓本古妙能驚吾文殘字闕墨模糊
 鍾繇梁鵠皆非夫一字猶得值一珠風骨
 在手身却無



魏受禪表隸釋曰表者表揭其事非表奏之表也

維黃初元年冬十月辛未皇帝受禪于漢氏上
稽儀極下孝前訓書摯所錄帝王遺事義莫顯
於禪德美莫盛於受終故書陳納于大鹿傳稱
歷數闕二是以降世且二百年幾三千堯舜之
事復存于今允皇代之上儀帝者之高致也故
立斯表以昭德闕一義焉

皇帝體乾剛之懿姿紹有虞之黃裔九德既該
欽明文塞齊光日月材兼三極及嗣位先皇龍

興饗國撫柔烝民化以醇德崇在寬之政邁愷
 悌之教宣重光以照下擬陽春以播惠開禁倉
 散滯積豕臣字闕五之錫衆兆陪臺蒙賜之養
 興遺勲繼絕世廢忘之勞獲金爵之賞襁褓之
 孤食舊德之祿善無微而不旌功無細字闕五戎
 士哀矜庶獄罷戍役焚丹書囹圄虛靜外無曠
 夫元澤雲行罔不沾渥若夫覆載簡易剛柔允
 宜乾朏之德陰陽字闕六類育物奮庸造化之道
 四時之功也寬容淵嘿恩洽羣物皇戲之質堯

舜之姿也孜孜業業邁德濟物伯禹之勞字闕五
 叡智神武耕敵用兵殷湯之略周發之明也廣
 大配天地茂德苞衆聖鴻恩洽於區夏仁聲播
 於八荒雖象肯所字闕六和而來王是以休徵屢
 集和氣烟煴上降乾趾下發朏珠天開啟闡四
 靈具臻湧醴橫流山見黃人所以顯受命之字闕五
 字之期應也其餘甘露零於豐草野蠶繭於茂
 樹嘉禾神芝奇禽靈獸窮祥極瑞者朞月之間
 蓋七百餘見白金天以字闕五嘉祥之降未有若

今之盛者也是以漢氏覩歷數之去已知神器
之有歸稽唐禪虞紹天明命釐嬪二女欽授天
位皇帝謙退讓德不嗣至于再至于三於是羣
公卿士僉曰陛下聖德懿侔兩儀皇苻昭晰受
命咸宜且有熊之興地出大螻夏后承統木榮
冬敷殷湯革命白狼銜鉤周武觀闕五方之今
日未足以喻而猶以一至之慶寵神當時紹天
即祚負依而治况於大魏靈瑞若茲者乎蓋天
命不可以辭闕五以意距大統不可以久曠萬

國不可以乏主宜順民神速承天序於是皇帝
乃回思遷慮旁觀庶徵上在璿機筮之周易卜
以守龜龜筮龍吉五反靡違乃覽公卿之議順
皇天之命練吉日闕四唐典之明憲遵大鹿之

遺訓遂於繁昌築靈壇設壇宮跽圭璧儲犧牲
延公侯卿士常伯常任納言諸節岳牧邦君虘

闕四

字 匈奴南單于東夷南蠻西戎北狄王侯君

長之羣入自旗門咸旅于位皇帝乃受天子之
籍冠通天龍袞龍穆穆皇皇物有其容上公策

祝燔燎棧樸告額上帝望秩五岳烟于六宗徧

于羣神

闕三字

晏祥風來臻乃詔有司大赦天下

改元正始開皇綱闡帝載殊徽幟草器械脩廢

官班瑞節同律量衡更姓改物勒崇垂鴻創

闕一

字作則永保天祿傳之罔極

後世禪讓之禍自魏肇之每進而加厲矣

即以魏晉論華歆之奉璽何如賈充激成

濟而抽戈也山陽以壽終傳國至晉漢魏

之際不猶愈於後乎壬子九月三日趙琴

士書於幕山僧舍

書魏受禪表後


附

嗚呼螟蝗生螻蚋許昌氣見當塗高奉璽

賚綬册天子昔見舜禹今有此曩屢峩峩

蹲穹碑上誣神聖饒雄辭豈識故事大堪

師三馬同槽知不知封狼生貍貍生羆



魏修孔子廟碑

維黃初元年大魏受命肩軒轅之高縱紹虞氏
 之遐統應歷數以改物揚仁風以作教於是捐
 五瑞斑宗彝鈞衡石同度量秩羣祀於無文順
 天時以布化既乃緝熙聖緒昭顯上世追存二
 代三恪之禮兼紹宣尼衰成之後以魯封百戶
 命孔子廿一世孫議郎孔羨為宗聖侯以奉孔
 子之祀制詔三公曰昔仲尼姿大聖之丈懷帝
 王之器當衰周闕二而無受命之運闕一字生

乎魯衛之朝教化乎汶泗之上栖栖焉皇皇焉
 欲屈已以存道貶身以救世當闕三終莫能用
 乃追考五代之禮脩素王之事因魯世而制春
 秋就大師而正雅頌俾千載之後莫不采其文
 以述作邛其聖以成謀咨可謂命世大聖億載
 之師表者已遭天下大亂百祀隳壞舊居之廟
 毀而不脩衰成之後絕而莫繼闕里不聞講誦
 之聲四時不睹烝嘗之位斯豈所謂崇德報功
 盛德百世必祀者哉嗟乎朕甚閔焉其以議郎

孔羨為宗聖侯邑百戶奉孔子之祀令魯郡脩
 起舊廟置百石吏卒以守衛之又於其外廣為
 屋宇以居學者於是魯之父老諸生遊士睹廟
 堂之始復觀俎豆之初設嘉聖靈於髣髴相貞
 祥之來集乃慨然而歎曰大道衰廢禮學滅紀
 世餘年皇上懷仁聖之懿德兼二儀之化育廣
 大苞於無方闕一恩淪於不測故自受命以來
 天人咸和神氣烱煜嘉瑞踵武休徵屢臻殊俗
 解編髮而慕義遐夷越險阻而來賓雖大皓遊

龍以君世虞氏儀鳳以臨民伯禹命元宮而爲
夏后西伯由岐社而爲周文尚何足稱於大魏
哉若乃紹繼徽絕興脩廢官疇咨稽古崇配乾
玗允神明之所福祚宇內之所歡欣也豈徒魯
邦而已哉爾乃感殷人路寤之義嘉先民泮宮
之事以爲高宗僖公蓋嗣世之王諸侯之國耳
猶著德於名頌騰聲乎千載况今聖皇肇造區
夏創業垂統受命之日曾未下輿而哀崇大聖
隆化如此能無頌乎乃作頌曰

煌煌大魏受命溥將并體黃虞含夏苞商降釐
下土上清三光羣祀咸秩靡事不綱嘉彼元聖
有邈其靈遭世霧亂莫顯其榮衰成既絕寤廟
斯傾闕里蕭條靡歆靡馨我皇悼之尋其世武
乃建宗聖以紹厥後脩復舊堂豐其薨宇莘莘
學徒爰居爰處王教既脩羣小遄沮魯道以興
永作憲矩洪聲登假神祇來和休徵雜遘瑞我
邦家內光區域外被荒遐殊方重譯搏拊揚歌
於赫四聖運世應期仲尼既沒文亦在茲彬彬

我后越而五之並于億載如山之基

此去永壽建寧數十年耳而其文較之韓
勅史晨簡質華靡不同至是文章與世運
為升降信矣癸丑夏日琴士識

鳳圖



宋熊克贊曰有道則見鳳阿爲葺儀韶鳴岐
千載相望遭時之哀歌聞楚狂德脩舜文覽
輝其翔贊後有小字數行漫漶不可識其隱
隱可見者乾道二年熊克因閱漢碑
圖而贊之十餘字而已贊爲隸書

按鎮江府志乾道壬辰潤州教官熊克閱
漢碑取麟鳳圖於學宮其後陳德一易之
以石嘉熙中劉卿月補刊龜龍龜龍久廢
惟麟鳳存余族兄偉堂爲鎮江府訓導乾
隆丙午春往從之游首詢及此則土人無

能知其事者學基環日精山下國初時經
海寇兵火房屋盡圯多荒圃偶於壞籬深
溝之側見一歌碑揩拭視之則鳳圖也走
告於兄爲出而樹之學署按隸續載有麟
圖洪氏所謂漢樞二瑞惟此最爲奇偉又
云鳳藏書屺中尋之未至今此圖與隸續
所載規製如一洪氏無鳳而有麟余不得

見麟而獲鳳千載作合可謂奇哉丙午夏
五月琴士趙紹祖識

偉堂名帥字沅莒乾
隆壬午舉人

麟圖之刊於石者溧水韓介堂取隸續所
 摹拓而大之而此鳳圖之刻于木者太平
 張簪山取原碑為縮而小之者也脩書於
 此以見余之於金石其得力於友朋者不
 少也嘉慶元年十一月琴士又識

介堂名廷秀字紹真乾隆丙午舉於鄉庚戌捷禮闈選廣西馬平縣知縣在任不數日而卒簪山名淮薦於孝友甚為鄉里所稱善畫花卉蟲魚人物鳥獸無所不能尤工山水

鳳圖石歌 附

昔聞漢有四靈圖潤州學舍乾道摹我來

訪古稽郡乘龜龍久已沉榛蕪惟有麟鳳
 二片石淵源堂中峙庶側詢之居人多不
 知堂傾址廢寒烟白世人何人能好古日
 精山上空愁懽墻根瞥見卧短碑螭纏荒
 藤跌入土沃泉刷草頻揩洗鳳字隱隱鳳
 欲起九苞瑞彩不空翥土花蝕羽苔點尾
 贊竒隸古光軒騰體勢寬博非凍蠅年多
 埋深難全讀謀掘大鋏引長繩我聞威鳳
 鳴有道丹山萬里梧桐老定知此圖出應

時神物豈終委荒草願得解人長護惜覆以廣廈嵌之壁麟兮有日耀祥光學舍依然完雙壁

偉堂兄和作附

乾道壬辰潤學宮摹漢麟鳳圖者熊厥後嘉定歲乙巳四靈立石廡西東代遠年湮歷兵燹縱據郡志搜尋窮阿弟好古勇過我往往解橐傾青銅古物應時有奇怪偶爾得之蒿萊中日精山即高岡是百株松

樹成梧桐碑上半截鳳完體振羽欲起儀蒼穹下隸書贊及旁注土花齧護煩神功阿弟長歌紀巔末頗矜賞識無人同尚有麟兮在何許非如久廢之龜龍淵源堂傾才逾紀長鋏掘遍無遺蹤且令百夫輦致署樹之堂左猶紗籠還堪慰藉礮石待傳有拓本藏鉅公時聞袁簡齋先生願乞鉞勒成雙壁我懷豈減先儒風

宋熊克贊曰麟胡爲來有王者起曠代一獲
魯狩漢時聖賢感之經絕中止吁嗟麟兮惟
其時矣

此爲余兄偉堂之所補刊其圖取之洪氏
隸續其贊取之鎮江府志而其隸則宣州
梅石居之所書也石居既書原贊又大書
其後云乾隆丙午趙紹祖既得鳳圖碑因
倣古復其麟圖梅鏐書贊教官趙帥立石
戊申之秋鐫成偉堂作麟圖歌刊于圖之

右方拓數本以見寄因爲和之而書其上
琴士趙紹祖識

和偉堂兄重刊麟圖石歌

附


秋雨淒其秋風勁文場戰北氣空橫潤州
學舍遠寄書開函使我目雙瞪瞥見麒麟
壁上騰四足破空勢交迸古隸倔强銀作
鉤寶墨璀璨光如鏡更看蠅頭楷尤妙細
讀新詩句愈硬自嗟自慰異怨尤閑以聖
賢正情性古來祥異本難憑世事纖微皆

有命冷官不達兄何憂一第無成吾未病
要當各盡所當爲寧使沒身事則定盛衰
意氣奚足云平其不平是曰平披圖對歌
三反復此事直與古人競初丙午十月潤
州學圃產芝兄
以爲瑞繪圖賦詩丁未自京師歸歎其無
應故原唱及之而余答其意也

偉堂兄原唱附

古人務實不務名功濟蒼生第一義不然
經術亦真傳興修廢墜又其次余昔自命
頗不凡釋褐仍著舊儒衫六載自書下下

考縱餐苜蓿終懷慙昨年瑞芝產學圃了
無效應吾何憚典守之責未敢辭繚垣頻
欲輒易土邇來對花鳳石齋吟餘無事縈
胸懷且將麟圖補刊石搨數千紙貽朋儕



田字文彙

闕四 萬年無期眉壽母已子子孫孫永保鼓之

余中表兄弟吳君虞九家藏此器出以示余以考古圖証之殆古彝屬也彝高三寸

四分口徑四寸三分重二斤十二兩容一升有半腹有三文曰田字文或即鑄此彝

者之姓名也腹下銘四行凡二十字其十六全用鄒子鐘銘而首四字不可復辨但

知其為重文爾銘用陽識固非三代之器

田字文彙

而結秀瑩澈殆千年以上之物余近著金

石文鈔因借搨而為釋之如此嘉慶二年

春正月琴士趙紹祖識

虞九名鳴球郡廩生

考古圖有小子師簋其小子二字連而為

字其文正與此同呂大臨曰小子師或官

名余竊疑之今見此彝愈知其不然也簋

銘云太師學師望作龔彝意其為少字爾

琴士又識

金石文鈔卷一終

